

EUSKO LEGEBILTZARRA. EAJk, EAK, EB-IUk eta Sozialista Abertzaleak txosten juridikoa egitea hitzartu zuten atzo

Edurne Begiristain | GASTEIZ

Eusko Legebiltzarreko Bozera-maileen Batzordeak txosten juridikoa eskatzea erabaki zuen atzo, Baltasar Garzon Espainia-ko Auzitegi Nazionalako epaileak ezker abertzaleko legebiltzarkide guztien parte hartzeen inguruko informazio eskaera aintzat hartu behar den argitze aldera. Eusko Legebiltzarreko zerbitzu juridikoei txostena eskatzeko erabakiak EAJ, EA, EB-IU eta Araba, Bizkaia eta Gipuzkoako Sozialista Abertzaleak taldeen babesa izan zuen, eta PPK eta PSE-EEK aurka bozkatu zuten. Bozera-maileen Batzordearen erabakia Legebiltzarreko Mahaiak berretsi beharko du, gaur. Txosten juridikoa egiteko eskaera Sozialista Abertzaleak taldeak egin zuen.

Modu horretan, Eusko Legebiltzarrak argitu nahi du ea Garzonek azken hogeitabi urtetako Eusko Legebiltzarreko 55 parlamentarioen jardueraren gaineko informazioa eskatzeko eskumenik duen ala ez. Era berean, zerbitzu juridikoek aztertu beharko dute epailearen eskaerak Legebiltzarreko «autonomia» urratzen duen eta legebiltzarkideen «inmunitatearen» kontra doan. Legebiltzarreko legelariak hori guztia argitu bitartean, Mahaiak duela hilabete eta erdi Auzitegi Nazionalera informazioa bidaltzeko hartutako erabakia bertan behera gertatu da, behin behineko.

Halaxe azaldu zuen atzo Jone Goirizelaia legebiltzarkideak, hedabideen aurrean. Haren aburuz, txosten horrek agerian utziko du «ez dagoela arrazoi

Garzoni informazioa igorri behar dion argitzeko eskatuko du Legebiltzarrak

Eusko Legebiltzarreko «autonomia» urratzen duen aztertuko dute



DAVID AGUILAR / EFE

Legebiltzarreko Bozera-maileen Batzordeak aurreko batean eginiko bilera bat.

juridiko eta politikorik Garzonen autoa betetzeko». Haatik, salatu zuen SAKoordezkariek, Mahaiak «oso arin» onartu zuela epailearen eskaera, eta horren ondorioz taldeari «kalte» egin zaiola: «Denon ahotan gaude, gure jarduera jada legez kanpokoa bailitzan».

Jakinarazi zuenez, Legebiltzarra oraindik informazioa biltzen ari da, beraz Garzonek ez ei du oraindik eskatutako dokumentazioa jaso.

EAKo Antolakuntza idazkari Rafa Larreinaren aburuz, txostena egitea beharrezkoa da, Garzonen erabakiak «Legebil-

tzarreko forua zapaltzen ote duen argitzeko». Izan ere, haren iritziz Legebiltzarreko foruaren defentsa «demokraziaren oinarria» da eta botereen banaketa bermatzeko ezinbestekoa da hura errespetatzea.

PPk eta PSE-EEK justizia «oztopatzea» egotzi zieten

ESANAK

JONE GOIRIZELAIA

(SAko legebiltzarkidea)

«Eusko Legebiltzarreko Mahaiak oso arin hartu zuen erabakia, eta dagoeneko taldeari kaltea egin zaio»

RAFA LARREINA

(EAKo Antolakuntza idazkaria)

«Legebiltzarreko foruaren defentsa demokraziaren oinarria da, botereen banaketa ziurtatzen duelako»

LEOPOLDO BARREDA

(PPko bozera-mailea Legebiltzarrean)

«EAJk, EAK eta EB-IUk justiziaren alde egotea baino nahiago dute Batasunari laguntza ematea»

EAJ, EA, EB-IU eta Sozialista Abertzaleei. Leopoldo Barreda popularrak hirukoari leporatu zion «justiziaren alde bainoago Batasunaren alde egon nahi izatea». Erabakiarekin, informazioaren igorpena «atzeratuko» dela iritzi zion. Victor Garcia Hidalgo sozialistaren ustez, atzo urrats bat eman zen «Mahaiak Garzonekin kolaboratu beharrean, Justiziari trabak jartzeko».

AUTOGOBERNUA. EAK eta ERCK autogobernuaz gogoeta egingo dute Eusko Legebiltzarrean hasitako XI.Jardunaldietan

PPren «atzerakada demokratikoari aurre egiteko» deia egin dute EAK eta ERCK

E. Begiristain | GASTEIZ

Eusko Alkartasunak eta ERC alderdiak PPrek gobernuaren «atzerakada demokratikoa» salatu zuten atzo, eta halako jarre-
rak babesten dituztenei aurre egiteko deia egin zuten. EAK eta ERCK agerraldia egin zuten Eusko Legebiltzarrean, bi alderdiok urtero egiten dituzten legebiltzar jardunaldiak atzo bertan hasi baitziren. Biek ala biek PPrek politikari kritika gogor-
rak egin zizkioten.

ERCKo idazkari nagusi Josep Lluís Carod-Roviraren arabera, PPK Espainian gehiengoa lortu zuenez geroztik «politika frankistan» oinarritutako tradizioa kaleratu du eta «atzerakada po-

litiko garbia» eman da. Ildo horretan salatu zuen PPK neurri espainiar nazionalista bazter-tzaile eta intoleranteak» abian jarri dituela politikan, kulturen eta hizkuntza arloan.

PPk Espainiaren ikuspegi «bakarra eta monolitikoa» dela kritikatu zuen ERCKo idazkari nagusiak, bai eta jarrera horrek estatuko beste herriak ukatzen dituela ere. Era berean PSOE PPrek «jarraitzaile sut-sua» dela iritzi zion Carod-Rovirak.

Bestalde, atzo hasitako jardunaldiek autogobernuaren gaia jorratuko dutela hizpide hartuta, ERCKo idazkari nagusiak iritzi zion Espainian «amaitugabe-ko transizioa» dagoela, eta hura

bukatu ahal izateko autodeter-minazio eskubidearen onarpe-na bermatu beharko litzatekeela.

«Oinarritzko eskubideen murrizketa»

Begoña Errazti EAKo idazkari nagusiak ere Jose Maria Aznarren gobernuaren politika salatu zuen, eta demokrazian ematen ari diren atzerapausuei aurre egiteko beharra nabarmendu zuen.

Irailaren 11ko atentatuez geroztik nazioartean sortutako testuingurua aprobetxatuz, «PPk nazio eskubideak ezezik, oinarritzko eskubideak ere murrizten» dituela gaitzetsi zuen EAKo idazkari nagusiak. Bide



JON HERNÁEZ / ARGAZKI PRESS

EAKo eta ERCKo ordezkariak agerraldi bateratua egin zuten atzo.

horretan sartzea «oso arrisku-tsua» dela ohartarazi zuen Erraztik.

Bestalde, EA eta ERCren arteko harremana «baikor» baloratu zuen. Atzo hasitako jardun-

naldietan autogobernuaz gogoeta egiteko parada izango dutela gogorazi zuen, eta ildo horretan iritzi zion aurten «urte gar-rantzitsua» izango dela egungo markoa gainditzeko bidean.